

Regnante domino nostro Jesu Christo in perpetuum, anno pontificatus sanctissimi et universalis papae Eugenii III et imperantibus piissimis catholicis et Dei cultoribus Chlodowico et Chlothario, divis imperatoribus, anno VII et X, per indictionem quintam, VIII idus iunii. Secundum Dei gratiam et sanctionem eorum congregata est synodus in civitate Mantua, in qua affuerunt vir venerabilis et sanctissimus Benedictus episcopus et Leo, reverentissimus diaconus, bibliothecarius, legati videlicet sanctae Romanae ecclesiae habentes locum beatissimi papae Eugenii, Sycardus, palatinus presbyter, et vir spectabilis Theoto, a praefatis augustis directi, Petranas quoque, Ravennatis archiepiscopus, atque Angelpertus, sanctissimus Mediolanensis archiepiscopus, provinciae Aemiliae Andrea, Ferrariensis episcopus, Leo, Flaventinus episcopus, Vitalis, Camaclensis episcopus, Christophorus, Bononiensis episcopus, Nordebertus, Regiensis episcopus, Lautpertus, Parmensis episcopus, Georgius, diaconus, Honestus, diaconus, Dominicus, diaconus, Liguria provinciae Antericus, Vercellensis episcopus, Rambertus, Brixianus episcopus, Erimpertus Laudensis, Synepertus, Cremonensis episcopus, Venetiae provinciae Ratoldus episcopus, Veronensis episcopus, Laiulfus Mantuanensis, Franco Vicentinus, Dominicus Patavensis, Adeodatus Tarvisanus, Cemmo Cenetensis, Othelbertus Bellunensis, Anselmus Concordiensis, Auratus Feltrensis, Arthemius Asolensis, Andrea archidiaconus, agens vicem Heimberti, Tridentini episcopi.

Residentibus igitur in hac synodo reverentissimis episcopis, adstantibus diaconibus et caetero clero, veniens vir sanctissimus Maxentius, Aquileiensis patriarcha, precum libellos pro dispersione suae Aquileiensis ecclesiae obtulit, ut suae provinciae ecclesias, quas barbarorum incursum a sua matrice segregaverat, auctoritate canonum iam pacis tempore percipere mereretur ad propria. Nos, qui veritate perfecta invenimus a beato avangelista Marco, qui spiritualis et ex sacro fontis utero ac carissimo sancti Petri apostoli fuit filius, necnon ab elegantissimo Hermachora Aquileiensem aecclesiam pre omnibus Italiae